



陸太常集引



梁氏多才自任沈外陸佐公為
之冠駮軌竟陵平分八友非若晚
彥之攀鱗也石闕漏刻二銘
東序擣芡高壇蒸景其他短
篇都復爛然總至感知已賦世

安政七改


鮮知者余嘗舉以敵彥昇答
賦殆欲勝之夫其締交父行翻
承翊戴正不虛耳憶佐公阿父
德明時人謂水可當醴泉而樹
可當交讓佐公年少精勤却於
宅內起兩間茅屋謝絕往來畫

夜擁書是又樹且奠三珠而泉乃
飛百脉耶余屢過吳求陸氏故
居不可得考吳志佐公墓在綬
山詢之故老亦了不知處即從子
襄之立石竟復雨滅湮沉獨是
翡林賸綵流播中區陵谷不能

載之而去者也公賴此永矣

旃蒙赤奮若早春日張燮識于

吳舫



陸太常集目錄

卷之一

賦

夫感知已賦

任昉答陸倕感知已賦附

思田賦

賦體

詩

和昭明太子鍾山解講

昭明太子鍾山解講附

以詩代書別後寄贈京邑僚友

贈任昉詩

聯句

清暑殿聯句栢梁體

表

為豫章王慶太子出宮表

除詹事表

拜吏部郎表

為王光祿轉太常議表

為張纘謝兄尚書謚靖子表

章

授潯陽太守章

教

為豫章王拜後赦教

未至潯陽郡教二首

卷之二

書

與徐僕射薦薦沈峻書

答釋法雲書

啓 爲張侍中謝啓

爲息續謝勅賜朝服啓

遷吏部郎啓

謝勅使行江州事啓

銘 新漏刻銘

石闕銘

蠡杯銘

碑 天光寺碑

墓誌銘 誌法師墓誌銘

祭文 釋奠祭孔子文

請雨賽蔣王文

附錄

陸倕傳

陳姚察

陸倕傳

唐李延壽

太常卿陸倕墓銘

梁元帝

酬陸長史倕

梁劉孝綽

侍宴餞陸倕應令

梁蕭子顯

遺事

集評

陸太常集卷之一

梁吳郡陸倕佐公著

明閩漳張燮紹和纂

賦

感知已賦

夜申旦而不寐獨匡坐而怨咨命僕夫而夙駕
指南館而為期學窮書府文究辭林既耳聞而
存口又目見而登心似臨淄之借書類東武之
飛翰軫工達於長卿踰巧速於王粲固乃度平

子而越孟堅何論孔璋而與公幹或欲涉其涯
涖求其界畔則浩浩港港彪彪泫泫譬長鋏於
蒲中若龍淵與蜀漢濟濟冠蓋祁祁儔逸有竊
風以味道咸交臂而屈膝或望路以窺門空升
堂而入室彼春蘭及秋菊尚蕪絕於衆芳矧重
仁與襲義信遼遼兮未央言追意而不逮辭欲
盡而復忘竊仰高而希驥忽脂車而秣馬旣一
顧之我隆亦東壁之余假似延州之如舊同伯
嗜之倒屣附蒼蠅於驥尾託明鏡於朝光謂虛
無而爲有布籍甚於游揚於是柔條颯其成勁
白露變而爲霜歲忽忽而道盡憂與愛兮未忘
聚落莖於虛室聽羈雀於枯楊怵鬱悒其誰語
獨撫抱而增傷託異人以蠲憂賴竒文而愈疾
索黃瓊之寄居造安仁之狹室車出門其已歡
無論銜杯與促膝譬鄒子之唵松故未寒而能
慄徒納壤以作高陋吞舟而爲網值墨子之愛
兼逢太丘之道廣陪九萬以齊征激三千而同
上識公沙於抃白拔孝相於無名非夫人之爲

感孰云感於余情指壯芒以作誓期鬱鬱於佳
城

任昉答陸倕知己賦附

原知己之時義故相知之信然乃貪廉之異
貫奈勇怯之相懸貪在物而成累怯在我而
可甄既自得於爲御又甘心於執鞭矧相知
其如此獨攬涕而潺湲雖有望於已知更非
謂其知己信偉人之世篤本矣服於陸鄉緬
風流與道素襲袞衣與繡裳逮伊人而世載

並三駿而龍光過龍津而一息望鳳條而
翔彼白玉之雖潔此幽蘭之信芳思在物之
取譬非升斛而能量匹聳峙於東嶽比凝厲
於秋霜不一飯以忘過每三錢以投渴匪蒙
袂之敢嗟豈溝壑之能衣旣蘊藉其有餘又
澹然而無味得意同乎卷懷違方似乎仗氣
類平叔而靡雕似子臺而不朴冠衆善而貽
操綜群言而名學折高戴於后臺異鄒顏乎
董幄探三詩於河間訪九師於淮曲術兼口

傳之書藝廣鏗鏘之樂時坐睡而懸梁裁據
梧而錐幄旣文過而意深又理勝而辭縟咨
余生之荏苒追歲暮而傷情測徂陰於堂下
聽鳴鐘於洛城唯忘年之陸子定一遇於班
荆余獲田蘇之價爾得海上之名信落魄而
無產終長勤於短生饑虛表於徐步逃責顯
於疾行子比我於叔則又方余於耀卿心照
情交流言靡惑萬類闇求千里懸渴言象可
廢筌蹄自默居非連棟行則同車冬夜不長
夏日靡餘肴核非餌絲竹豈娛我未捨駕子
歲已迴輿中飲相顧悵然動色邦壤雖殊離會
難測存異山陽之居沒非要離之側以膠投
於漆中離婁豈能識

燕中鵲巢豈海端

漢賦并異山陽之古表表要讀心胸以翠好
日歐與中燈時睡夢非然睡也
長日囊翁會外非再發也豈非未發語下

思田賦

歲聿忽其云暮庭草颯以萎黃風颼颼以吹
燈黯黯而無光獨展轉而不寐何增歎而自傷
於是踟躕徙倚顧景興懷魂煢煢以至曙綴予
想於田萊彼五畝其焉在乃爰泊乎江隈出郭
門而東鶩入澗浦而南迴爾乃觀其水陸物產
原隰形便林藪挺直丘陵帶面臨九曲之迴江
對千里之平甸風去蘋其已開日登桑而先見
聽啁晰之寒鷄弄差池之春燕臨場圃以築館

對櫺軒而鑿池集游泳於階下引朝派於堂垂
瞻巨石之前却玩激水之推移雜青莎之霍靡
拂細柳之長枝感風燭與石火嗟民生其如寄
苟有胸而無心必行難而言易幸少私而寡欲
兼絕仁以棄智忽學步而學趾又追飛而厲翅
瞻鹿苑而竊驚仰疆臺而慕義歷四時於遊水
馳三稔於申臂望歸流而載懷情鬱挹其何寘

賦體

奉欽明之睿后沐隆平之玄化參振鷺之充庭
侍長徒之曾舍冀無恨於終南豫告成於芝駕
雖就列而陳力終胡顏於長夜

昭明太子鍾山解講附

清宵出望園詰晨屆鍾嶺輪動文學乘笳鳴
賓從靜嗽出巖隱光月落林餘影糾紛八桂
密波隨再城永伊予愛丘壑登高至節景迢
遞覩千室迤邐觀萬頃卽事已如斯重茲遊
勝境精理旣已詳玄言亦兼逞方知惠疑作
蕙
帶人囂虛成易屏眺瞻情未終龍鏡忽遊騁
非曰樂逸遊意欲識箕頽

以詩代書別後寄贈京邑僚友

余本水鄉士閉門江海隅時逢世道泰蹇是步
高衢名成宦雖立效微功日疎入仕乘肥馬出
守擁高車關門遊昔吏遷亭有故書江派資賢
牧宗英出建旗不勞王布鼓無賴露田車弼政
非責實求名已課虛長卿病猶在修齡疾未祛
詎知亭長肉甕挂府丞魚不能未能止內訟慙
諸已僂俛從王事纚舟出淮泗朋故遠追尋暝
宿清江陰明旦一分手翻飛各異林歸舟隨岸
曲猶聞歌棹音行者日超遠誰見別離心夕次

洲洲岸明登慈姥岑水流多迴復余歸良未尋

江關一作中寒事早夜露傷秋草心屬姑蘇臺日

送邯鄲道葭葦日蒼蒼親知慎早涼劉兄消渴

病休攝戒無良殷弟癩眩疾行止避風霜劉侯

有餘冷宜餌陟一作休釐方伏子多風咳門冬幸

易將率更慶雅體體弱思自強吏曹勉玉潤諷

議勗金相比部多暇日奚用肆龍章建德何為

者無墮無人鄉記室朋從暇露蛄附行商議曹

坐朝罷尺板嗣徽芳雙栖成獨宿俱飛忽異翔

眷言思親友沉思結中腸追惟疇昔時朝府多

歡暇薄暮塵埃靜飛蓋遙相迓李郭或同舟潘

夏時方駕娛談終美景敷文未清夜促膝豈異

人戚戚皆朋一作姻婭今者一乖離漼然心事差

山川望猶近便似隔天涯玉躬子加護昭質余

未虧八行思自勉一札望來儀

贈任昉詩

昉為御史中丞後進皆宗之時有彭城

劉孝綽劉苞劉孺吳郡陸倕張率陳郡

殷芸沛國劉顯及到漑到洽車軌日至號曰蘭臺聚

和風雜美氣下有真人遊壯矣荀文若賢哉陳
太丘今則蘭臺聚萬古信為儔任君本達識張
子復清修既有絕塵到復見黃中劉

聯句

清暑殿聯句栢梁體

居中負宸寄纓紱

梁武帝

言慙輻輳政無術

新安太守

任昉至德無垠愧違弼

侍中徐勉

燮贊京河豈微物

丹陽

丞劉洸竊侍兩宮慙樞密

黃門侍郎柳愷

清通簡要臣豈

洎吏部郎中謝覽出入帷宸濫榮秩

侍中張卷

複道龍樓歌

赫實太子中庶子王峻

空班獨坐慙羊質

御史中丞陸杲

嗣以

書記臣敢匹

右軍主簿陸倕

謬參和鼎講畫一

司徒主簿劉洽

鼎味參和臣多匱

司徒左西屬江曹

表

為豫章王慶太子出宮表

臣聞周固本支寔資明兩漢啓磐石必係元良
所以闡弘祚鼎光崇守噐伏惟皇太子道契生
知照均天縱不藉審諭之功無待溫文之輔而
冬書秋記夙表睿資春誦夏絃幼彰神度雖復
直門守令長壽察微魏贊多容漢稱寬博不足
以連輝茂則匹景令圖甲觀惟新桂宮告始朱
班徙次翠蓋移陰華裔貳瞻人祇蹈舞

以熙以天淵不蕪審編之也無奇盛文之辨而
以以闡以新鼎光崇中器大對皇太子童蒙主
百聞周固本支宴資四兩對哲樂不必紛示其
爲新章王惠太子出宮表

表

除詹事表

中陽白水徒庇微軀送珥抱薪未聞成績陳席
不棄故劍無遺遂宣時髦升降清顯尊官厚秩
無因而至陋巷葦門鬱成爽塏儲端華重實異
恒司南章馬官已擇儒雅實嬰許商爰取姻戚
自茲已降名器日隆歷選才賢若何叨越

陸太常集 卷一
拜吏部郎表

銓衡庶品歷選賓寮阮咸貞素屢薦未登陸亮
忠心裁居拜職自非李重清識李毅恬正則何
以區分管庫式鑒胥史

爲王光祿轉太常讓表

昔者楚德方盛孫叔濯衣漢道克隆王陽結綬
故拜命無辭受爵不讓况宗卿清重歷選所難
漢晉以降莫非素範辭爵則桓郁張奮讓封則
丁鴻劉愷潘尼之文雅深純華表之從容退默
自此迄茲風流繼軌以臣况之魯無等級

陸文憲集卷一
十三
爲張績謝兄尚書諡靖子表

亡兄夙構皇慈早邀靈慶立言著績未酬天寵
門衰祚寡遽辭昌運拊心摧恨私懷罔極日月
告時幽挺浸遠王人猥集佳冊光臨榮溢里庭
恩深松檟

章

授潯陽太守章

鏤氷雕脂不見大龍之象課虛叩寂寧聞駕辯
之音徒荷容盖空班推擇不能使府庭生梓橫
閣誦經俯睨朱輜仰瞻繒盖漏上嚴辨伏軾多
慚

閣前登觀即未薄軒鄣蓋獻土器樂為輝多
之音封尚容蓋空現對對入道對致致主執對
變木調胡不具大請之象焉血印好置問誰辨
對觀則太中章

章

教

為豫章王拜後赦教

夫議獄緩死著在令圖疑罪惟輕聞之雅誥是
以虞經惻隱流涕冬決鍾意垂仁哀矜寒送吾
以虛薄夙頒寵章光宅襟險奄有全粵非有沛
獻矜嚴空紆青組東平智思徒舉赤帷思所以
仰述皇猷導揚弘澤遵彼下車譬茲解網

未至潯陽郡教

第五倫之臨會稽躬斬馬草鄧伯道之莅吳郡
自運家糧故能使吏作頌歌民胥興詠太守薄
德謬叨龜組竊願巴祇闇坐接客思匹吳隱被
絮對賓常藥自隨式瞻無遠單車入境竊所庶
幾舊湏發民治道及戍邏揄樵採諸如此類一
皆省息

又

太守家本諸生伏膺典記光武靈臺之籍較涉
根基張華聚土之書略見庭戶貴郡圖載具存
方策校以山經參諸括象原野城寺宛在心目
龍泉鶴嶺不易窮登所撰郡圖可勿親用公孫
陞戟旣似井蛙延壽執戈實同見戲

陸太常集卷之二

梁吳郡陸倕佐公著

明閩漳張燮紹和纂

書

與徐僕射薦沈峻書

五經博士庾季達湏換計公家必欲詳擇其人
凡聖賢可講之書必以周官立義則周官一書
實爲群經源本此學不傳多歷年世北人孫詳
蔣顯亦經聽習而音革楚夏故學徒不至惟助

陸大常集 卷二
教沉峻特精此書比日時聞講肆群儒劉崑沈
宏沈熊之徒並執經下坐北面受業莫不歎服
人無間言弟謂宜卽用此人命其專此一學周
而復始使聖人正典廢而更興累世絕業傳於
學者

答釋法雲書

辱告惠示至尊所答臣下審神滅論昔者異學
爭途孟子抗周公之法小乘亂道龍樹陳釋迦
之教於是楊墨之黨舌舉日張六師之徒轍亂
旗靡言神滅者可謂學僻而堅南路求燕北轅
首楚以斯適道千里而遙聖上愍其迷途爰奮
天藻鉤深致遠盡化知神俾此困蒙均斯氷釋
陳茲要道同彼月照弟子並以凡薄沾竊恩紀
纓冕則天之朝冷捉稽古之論贊幸之誠獨知

爲息績謝勅賜朝服啓

玄冕素帶出自禁財朱紱青縞降於皇府輝燭
隣黨震耀街衢姻族移聽朋儕改矚非臣隙弱
所能陳報

遷吏部郎啓

臣器均濩落材同擁腫效菲積山勤幸附地自
叨榮秩列裁移氣序而坐延曲私遂被洪造自
非割蚌識珠覩石知玉寧可以獲名理俗見操
就教

謝勅使行江州事啓

封畛遐曠屢井奧實陸海神臯偏屬茲境兼以
茂親明德維翰作鎮宣述條教匡贊盛猷自非
問望兼逢寧可擢薦嘉舉

銘

新漏刻銘

夫自天觀象昏旦之刻未分治歷明時盈縮之
度無準挈壺命氏遠哉義用揆景測辰徼宮戒
井守以水火分茲日夜而司曆亡官疇人廢業
孟陬殄滅攝提無紀衛宏載傳呼之節較而未
詳霍融敘分至之差詳而不密陸機之賦虛握
靈珠孫綽之銘空擅岷玉弘度遺篇承天垂旨
布在方冊無彰噐用譬彼春華同夫海棗寧可

以軌物字民作範垂訓者乎且今之官漏出自
會稽積水違方導流垂則六日無辨五行不分
歲躔闔茂月次姑洗皇帝有天下之五載也樂
遷夏諺禮變商俗業類補天功均柱地河海夷
晏風雲律呂坐朝晏罷每旦晨興屬傳漏之音
聽雞人之響以爲星火謬中金水違用時垂啓
閉箭異鎗銖爰命日官草創新器於是俯察旁
羅登臺升庫則于地四參以天一建武遺蠹咸
和餘舛金筒方圓之制飛流吐納之規變律改
經一皆懲革天監六年太歲丁亥朔十六日壬
寅漏成進御以考辰正晷測表候陰不謬圭撮
無垂黍累又可以校運筭之聯合辨分天之邪
正察四氣之盈虛課六歷之疎密末世貽則傳
之無窮赫矣煥乎無德而稱也昔嘉量微物盤
盂小器猶且昭德記功載在銘典况入神之制
與造化合符成物之能與坤元等契勲倍楹席
事百巾机寧可使多謝曾水有陋昆吾金字不
傳銀書未勒者哉乃詔小臣爲其銘曰

一暑一寒有明有晦神道無跡天工罕代乃置
挈壺是惟熙載氣均衡石晷正權槩世道交喪
禮術銷亡遽遷水火爭倒衣裳擊刃舛次叢木
乖方爰究爰度時惟我皇方壺外次圓流內襲
洪殺殊等高卑異級靈虬承注陰蟲吐喙倏往
忽來鬼出神入微若抽繭逝如激雷耳不輟音
眼無留盼銅史司刻金徒抱箭屐薄非兢臨深
罔戰授受靡讐登降弗爽唯精唯一可法可象
月不遁來日無藏往分似符契至猶影響合昏
暮卷蕙焚晨生尚辨天意猶測地情况我神造
通幽洞靈配皇等極爲世作程

協從人祇響附穿胸露頂之豪箕坐椎髻之長
莫不援旗請奮執銳爭先夏首憑固庸岷負阻
協彼離心抗茲同德帝赫斯怒秣馬訓兵嚴鼓
未通凶渠泥首弘舸連軸巨檻接艦鐵馬千群
朱旗萬里折簡而禽廬九傳檄以下湘羅兵不
血刃士無遺鏃而樊鄧威懷巴黔底定於是流
湯之黨握炭之徒守似藩籬戰同枯朽革車近
次師營商牧華夷士女冠蓋相望扶老携幼一
旦雲集壺漿塞野簞食盈塗似夏民之附成湯
歲士之窺周武安老懷少伐罪弔民農不遷業
市無易賈八方入計四隩奉圖羽檄交馳軍書
狎至一日二日非止萬機而尊嚴之度不訾於
師旅淵默之容無改於行陣計如投水思若轉
規策定帷幄謀成几案曾未浹辰獨夫授首乃
焚其綺席棄彼寶衣歸璇臺之珠反諸侯之玉
指麾而四海隆平下車而天下大定拯茲塗炭
救此橫流功均天地明金日月於是仰協三靈
俯從億兆受昭華之玉納龍敘之圖類帝禋宗

光有神器升中以祀群望攝袂而朝諸夏布教
都畿班政方外謀協上策刑從中典南服緩耳
西羈反舌劍騎穹廬之國同川與穴之人莫不
屈膝交臂厥角稽顙鑿空萬里攘地于都幕南
罷鄣河西無警於是治定功成邇安遠肅忘茲
鹿駭息此狼顧乃正六樂治五禮改章程創法
律置博士之職而著錄之生若雲開集雅之館
而款關之學如市興建庠序啓設郊丘一介之
才必記無文之典咸秩於是天下學士靡然向

風人識廉隅家知禮讓教臻侍子化洽期門
宇又安方面靜息役休務簡歲阜民和歷代規
暮前王典故莫不芟夷翦截允執厥中以爲象
闕之制其來已遠春秋設舊章之教經禮垂布
憲之文戴記顯游觀之言周史書樹闕之夢北
荒明月西極流精海岳黃金河庭紫貝蒼龍玄
武之制銅爵鐵鳳之工或以聽窮省寃或以布
治懸法或以表正王居或以光崇帝里晉氏浸
弱宋歷威夷禮經舊典寂寥無記鴻規盛烈湮

沒罕稱乃假天闕於牛頭託遠圖於博望有欺
耳目無補憲章乃命審曲之官選明中之士陳
圭置臬瞻星揆地興復表門草創華闕於是歲
次天紀月旅太簇皇帝御天下之七載也構茲
盛則與此崇麗方且趨以表敬觀而知法物覩
雙碣之容人識百重之典作範垂訓赫矣壯乎
爰命下臣式銘盤石其辭曰

惟帝建國正位辨方周營洛涘漢啓岐梁居因
業盛文以化光爰有象闕是惟舊章青蓋南洎
黃旗東指懸法無聞藏書弗紀大人造物龍德
休否建此百常興茲雙起偉哉偃蹇壯矣巍巍
旁映重疊上連翠微布教方顯浹日初輝懸書
有附委篋知歸鬱岬重軒穹隆反宇形聳飛棟
勢超浮柱色法上圓制模下矩周望原隰俛臨
煙雨前賓四會却背九房北通二轍南奏五方
暑來寒往地久天長神哉華觀永配無疆

碑蠡杯銘

用邁羽杯珍踰渠椀實同蠡測形均樸滿伊我
疲病獨居無伴所不比挹誰請誰緩

燭於有頃皇帝乃德神

鐘驅日月之師勅是辰之

也台是余也自也

寒寂斷岳無半宿不月酥精精華
用蕪麻林多細果樹實同蠶賦紙以對蕭野亦

蠶林論

碑

天光寺碑

法雲旦聚則浸潤被乎重沙慧日晨燈則暉光
燭於有頃皇帝乃把神珠握靈鏡擊天鼓撞地
鐘驅日月之師勒星辰之陣九流外籍五明內
典鳥策餘文龍宮遺教莫不神遊房奧跡徧門
牆思洞希微言窮名象珉階凌虛瓊籬鬱起可
使龍城愧飾鴈塔慙珍日宇奪暉月宮掩麗昔
者姬水壽丘載紀山川之目丹陵負夏僅傳鄉

陸九常集 卷二
黨之名歌酒故邑賜復窮乎身世壘篋舊里高
會止於當年銘曰

被物如露偃民猶草解髻傳珠抽衣受寶化違
宅火功超河岸捨我神居興茲靈館八襲豐殿
四柱高廊並陳金壁旁達玉箱從橫雜樹間廁
衆芳

墓誌銘

誌法師墓誌銘

法師自說姓朱名寶誌其生緣桑梓莫能知之
齊故特進吳人張緒興皇寺僧釋法義並見法
師於宋太始初出入鍾山往來都邑年可五六
十歲未知其異也齊宋之交稍顯靈迹被髮徒
跣負杖挾鏡或徵索酒肴或數日不食豫言未
兆懸識他心一時之中分身數處天監十三年
卽化於華林門之佛堂先是忽移寺之金剛像

出置戶外語僧衆云菩薩當去爾後旬日無疾
而殞沉舟之痛有切皇心殞葬資湏事豐饌厚
望方墳而隕涕瞻白帳而拊心爰詔有司式刊
景行辭曰
欲化毗城金粟降靈猗歟大士權迹帝京緒胄
莫詳邑居罕見譬彼涌出猶如空現哀茲景像
愍此風電將導舟梁假我方便形煩心寂外荒
內辯觀徃測來覩微知顯動足墟立發言風偃
業窮難詔因謝弗援慧雲晝歇慈燈夜昏

祭文

釋奠祭孔子文

於惟上德是曰聖真克明克峻知化窮神研幾
善誘藏用顯仁利同道濟成俗教民道尊功倍
德溥化光離經辨志濟濟洋洋

請雨賽蔣王文

陸周祚胤鍾嶽降精聰明正直得一居貞無方
 無體不疾不行化馳九縣位冠百靈東掩屢僊
 西郊已戢偶龍矯首泥人鶴立神聽孔放靈應
 揮霍儵覩翻伊俄聞倒洛樂周祈畢恩洽酒闌
 靈談抗袖鬼笑拔梓推茲且引於萬斯歡

附錄

陸倕傳

陳姚察

陸倕字佐公吳郡吳人也晉太尉玩六世孫祖
 子真宋東陽太守父慧曉齊太常卿倕少勤學
 善屬文於宅內起兩間茅屋杜絕往來晝夜讀
 書如此者數載所讀一遍必誦於口嘗借人漢
 書失五行志四卷乃暗寫還之略無遺脫幼為
 外祖張岱所異岱嘗謂諸子曰此兒汝家之陽
 元也十七舉本州秀才刺史竟陵王子良開西

邱延英俊倅亦預焉辟議曹從事參軍廬陵王
法曹行參軍天監初爲右軍安成王外兵參軍
轉主簿倅與樂安任昉友善爲感知已賦以贈
昉昉因此名以報之遷驃騎臨川王東曹掾是
時禮樂制度多所創革高祖雅愛倅才乃敕撰
新漏刻銘其文甚美遷太子中舍人管東宮書
記又詔爲石闕銘記奏之敕曰太子中舍人陸
倅所製石闕銘辭義典雅足爲佳作昔虞丘辨
物耶鄆獻賦賞以金帛前史美談可賜緡三十

疋遷太子庶子國子博士母憂去職服闋爲中
書侍郎給事黃門侍郎揚州別駕從事史以疾
陳解遷鴻臚卿入爲吏部郎參選事出爲雲麾
晉安王長史尋陽太守行江州府州事以公事
免左遷中書侍郎司徒司馬太子中庶子廷尉
卿又爲中庶子加給事中揚州大中正復除國
子博士中庶子中正並如故守太常卿中正如
故普通七年卒年五十七文集二十卷行於世
第四子續早慧十歲通經爲童子奉車郎卒

與式懸中書封疏后封后無太常樂燕于茲操
 晉安王長史尋別太守并武州刺史尋以公事
 刺難懸獻亂卿人為吏暗收參懸事出為雲壑
 書封疏命事黃門封疏封地錄懸於事史以爽
 五懸太子燕于因于軒士封一愛去輝別關蓋中

陸倕傳

唐李延壽

倕字佐公少勤學善屬文於宅內起兩茅屋杜
 絕往來晝夜讀書如此者數歲所讀一徧必誦
 於口嘗借人漢書失五行志四卷乃暗寫還之
 略無遺脫幼為外祖張佖所異佖嘗謂諸子曰
 此兒汝家陽元也十七舉本州秀才刺史竟陵
 王子良開西邸延英俊倕預焉梁天監初為右
 軍安成王主簿與樂安任昉友為感知賦以贈
 昉昉因此名以報之及昉為中丞簪裾輻湊預

其謙者殷芸到漑劉苞劉孺劉顯劉孝綽及倕
而已號曰龍門之遊雖貴公子孫不得預也遷
臨川王東曹掾梁武帝雅愛倕才乃敕撰新漏
刻銘其文甚美遷太子中舍人又詔為石闕銘
敕褒美之賜絹三十疋累遷太常卿卒子瓚早
慧七歲通經為童子郎卒次緬有似於倕一者
殆不能別

太常卿陸倕墓銘

梁元皇帝

如金有鑛如竹有筠體二方擬知十可隣兩升
鳳沼三侍龍樓南皮朝宴西園夜遊詞峰飈登
逸氣雲浮日往月來暑流寒襲東耀方遠北芒
已及墜露曉團悲風暮急且相慰勞朝復勞晚

連披

日又對雲華團悲風暮急遷太常卿卒子瓚早
應歲雲氣日封日來暑氣寒襲東轡太轡非著
鳳翠三封蕭對南史時宴西園外遊歸華風空
收金百艷吹竹百從豔二寸豔映十回對兩長

太常卿對新墓銘

梁劉孝綽

酬陸長史儻

梁劉孝綽

王粲始一別猶且歎風雲况余屢之遠與子
離群如何持此念復為今日分分悲宛一作如
昨弦望殊揮霍行舟雖不見行程猶可度度君
路應遠期寄新詩返相望且相思勞朝復勞晚
薄暮閣人進果得承芳信殷勤覽妙書留連披
雅韻列洲一作州財賦總慈山行旅鎮已切臨睨
情遽動思歸引歸歟不可即前途方未極覽諷
欲諼誚研尋還慨息來喻勗雕金比質非所任

虛薄無時用徘徊守故林屏居青門外結宇灞
城陰竹庭已南映池牖復東臨喬柯貫簷上垂
條拂戶陰條開風暫入葉合影還沈帷屏溽早
露階雷擾昏禽衡門謝車馬賓席簡衣簪雖愧
陽陵一作春曲窻無流水琴蕭條聊屬和寂寞少
知音平生竟何托懷抱共君深一朝四美廢方
見百憂侵日余濫官守因之泝廬一作九水接
淺原陰山帶荆門右從容少職事疲病疎僚友
命駕獨尋幽淹留宿廬阜廬阜擅高名岩岩凌

太清舒雲類紫府標霞同赤城北上輪難進東

封馬易驚未若茲山險車騎息逢迎山橫路似

絕徑側樹如傾蒙籠乍一啓磔磔無暫平倚巖

忽迴望援蘿遂上征乍觀秦帝石復憇周王城

交峰隱玉雷對澗距金楹風傳鳳臺瑄雲渡洛

賓笙紫書時不至丹爐且未成無因追羽翮及

爾宴蓬瀛蓬瀛不可託悵然反城郭時過馬鳴

院偶憇鹿園閣既異人世勞聊比化城樂影塔

園花樹經臺總香藥月殿曜朱旛風輪和寶鐸

園援

一作垣

卽重嶺階基仍巨壑朝援

一作援

響薨

棟夜水聲帷薄餘景驚登臨方宵盡談詭談詭

有名僧慧義似傳燈遠師教逾闡生公道復弘

小乘非汲引法善招報能積迷頓已悟為懽得

未曾為懽誠已往坐卧猶懷想况復心所積

一作

親茲地多諧賞惜哉無輕軸更泛輪湖上可思

不可見離念空盈蕩賈生傳南國平子相東阿

優游匡贊罷縱橫辭賦多方才幸同貫無令絕

詠歌幽谷雖云阻煩君計吏過

侍宴餞陸倕應令

梁蕭子顯

儲皇餞離送廣命傳羽觴侍遊追曲水開宴等

清漳新泉已激浪初卉始含芳雨罷葉增綠日

斜樹影長

此與助友海... 昭明作宴闌思舊詩其敘陸倕云佐公持文介

不曾爲懼誠已生坐卧猶懷想况復心所積作
梯樹湯炙諸賞倍哉無輕軸更泛輪湖上可思
青鞵蔭泉已幾斯麻共飲命詩國留葉觀縣日
詞皇猶猶送黃命醉臥顛封致豈曲水開吟幾
冰歌卦宴始聖聖壽壽令討道采齋子臨

遺事

張率陸倕幼相友狎常同載請沈約值任昉在
焉約謂昉曰此二子後進才秀皆南金也卿可
與定交由此與昉友善 梁書

昭明作宴闌思舊詩其敘陸倕云佐公持文介

才學罕爲儔 昭明集

昭明與晉王令曰陸生資忠履貞水清玉潔文

該四始學遍九流高情勝氣貞然直上 梁書

陸倕墓在吳縣綬山鄉墓石從子襄爲序湘東

陸太常集
王繹為銘普通二年立姑蘇志

何敬容署名敬字大作荀少為文容字大為父

陸倕戲之曰公家荀既奇大父亦不少敬容不

能答南史何敬容傳

紀少瑜嘗夢陸倕以一束青縷管授之云我以

此筆猶可用卿自擇其善者因此道進

竟陵西邸高祖與沈約謝朓王融蕭琛任昉陸

倕並遊焉號曰八友梁武帝紀

集評

任昉陸倕之筆斯文章之冠冕述作之楷模梁簡

文與湘東王書

紀少瑜嘗夢陸偕以一束青緜心之八以
此筆猶可用猶曰其書者必以此

東王書
文與

升胡劉劉之筆淇文章之限最於子之謝其

集精

劉戶曹集小引



從古兩書淫一皇甫玄晏
一劉玄靖玄晏高尚其事
超然冥鴻非若玄靖文禽
顧影翻鏟彩于太液池邊
也玄靖身際右文之朝並

世雋流盡被隆遇而峻獨
坎輶以終申公明之指歸
托敬通之同異至今掩卷
有餘恫焉如謂率性而動
不共浮沈則爾時之負遺
俗者豈直一峻哉何加滕
墮淵之異効也卞士蔚有
言擲五木子輒鞮豈復是
擲子之拙此足破遇合之
界耳昭明文選梁人自任
沈外見收者寥々而玄靖
採取者三然則聲價故重

于華林二三子正不得以
遍畧高之矣

甲子暮春望日紹和張燮

書于覓蠡軒



劉戶曹集目錄

卷之一

詩

登郁洲山望海

自江州還入石頭詩

始營山居

出塞

啓

送橘啓

書

與宋玉山元思書

與舉法師書

答劉之遴借類苑書

劉之遴與劉孝標書附

追答劉沼書

答郭峙書

稱族子訐歆書

序

相經序

自序

志

東陽金華山栖志

卷之二

論

辯命論 有序

廣絕交論

附錄

劉峻傳

陳姚察

劉峻傳

唐李延壽

讀史考誤

明張燮

紫巖

明杜栢

劉參軍孝標

明胡應麟

遺事

集評

劉戶曹集卷之二



梁平原劉峻孝標著

明閩漳張燮紹和纂

詩

登郁洲山望海

滄溟聯霄岫層嶺鬱嶙峋下盤鹽海底上轉靈
鳥翼滇溘非可辨鴻溶信難測輕塵久弭飛驚
浪終不息雲錦曜石嶼羅綾文水色

自江州還入石頭詩

藝文作劉峻英華次
元帝後而逸其名或

以爲元帝詩非也

鼓柁浮大川延盼洛城觀洛城何鬱鬱杳與雲
霄半前望蒼龍門斜瞻白鶴館槐垂御溝道柳
綴金堤岸迅馬晨風趨輕輿流水散高歌一作唱
梁塵下絙瑟荆禽亂我思江海遊曾無朝市玩
忽寄靈臺宿空軫及關歎仲子入南楚伯鸞出
東漢何能栖樹枝取斃王孫彈

始營山居

自昔厭諠囂執志好栖息嘯歌棄城市歸來事
畊織鑿戶闕嶠嶢開軒望漸峒激水簷前溜修
竹堂陰植香風鳴紫鸞高梧巢綠翼泉脈洞杳
杳流一作沉波下不極髣髴玉山隈想像瑤池側
夜誦神仙記旦吸雲霞色將馭六龍輿行從三
鳥食誰與金門士撫心論胸臆

出塞

薊門秋氣清飛將出長城絕漠衝風急交河夜
月明陷敵縱金鼓推鋒揚旆旌去去無終極日
暮動邊聲

啓

送橘啓
山元思書

南中橙甘青鳥所食始霜之且採之風味照座
劈之香霧噴人皮薄而味珍脈不粘膚食不留
滓其踰萍實冷亞冰壺可以熏神可以茗鮮可
以清蜜羶鄉之果寧有此耶

人貴者宜也一身道也

率其餼實今亞水壺可以烹飪可以茅糶可以
焚之香潔與人交燕而利參知不謀而令不留
南中澍甘青鳥祖食故露之且科之風和無塵
卷辭智

智

書

與宋玉山元思書

驅馬金張之館飛蓋許史之廬習區鼎之說詩
騁谷雲之雕篆賓徒波湧輿輪靡息當是時也
樂可言哉然靜思夫君愀焉軫歎何則方鑿圓
枘鉏鋸難從翔鳥游魚蹉跎不細是以賈生懷
琬琰而挫翮馮子握瓊璠而鍛羽天誕英逸獨
擅民秀心貞筠箭德潤珪璋信人之水鏡一性
之鎔範而荆南雄曲高音鮮和河西名驥滅沒

誰賞故若先生者進有三難退有三樂竊觀先生未能鴻翔鸞起騰霞躋漢將由囿空桑麻田無負郭俛眉翕肩以斯故耳今賢弟賓從抗鱗奮翼或衣繡江塘或鳴騶洛渚連騎方驅擊鐘乃食萼跣若是吾子復何憂哉惟當纂兩仲之微迹襲二疎之風流生與漁父同嬉死葬要離墓側金石可碎聲華無寂斯道坦坦先生幸其最與

與舉法師書

聞諸行李高談徽德逖聽風聲心飛魂竦無異斬仙之望石髓太陰之思龍燭蒼星昏昊涼雲送秋道勝則肥固應願攝衣裳虹蜺帷幕霄露餌黃菊之落蘂酌清澗之苾流旦候歸鴈晨鳧暮聽羈雌獨鶴神影影爾蓋象蕭史之騎鳴鳳列子之御長風雖荆卿苟若無人孝然堅卧冰雪沈沈隱隱何以尚之哉至於馳騫經囿翱翔書圃極龍宮之妙典彈石室之鴻記道生伏其

天真曼倩謝其辨物若乃習是童子措志雕蟲
藻思內流英華外發歲蕤秋竹照暉春松爵頌
息明珠之譽長門濫黃金之賞盛矣美矣煥其
麗乎昔旅浙河嘗觀組纈不覺紙蕪筆焚魂魄
斯盡自茲厥後兩絕珪璧意睠睠於菁華腸迴
迴於九逝夫日御停照不踰隙穴海若瀆湧莫
限隈嶠以玉抵鵠昔傳餘寶冀閱清徽用瘳駭
疾然越民非鬻冠之所齊國豈奏韶之地望與
其進無貽責焉

答劉之遴借類苑書

九冬有隙三餘暇時多游書圃代樹萱蘇若夫
采蠶蠶於緗紈閱微言於殘竹嗚飮膏液咀嚼
英華不知地之爲輿天之爲蓋靡測迴塘莫辨
輿馬烏足以言乎是用周流墳素詳觀圖謀擗
管聯冊纂茲英竒蛩蛩之謀止於善草周周之
計利在銜翼故鳩集斯文蓋自綴其漏耳豈冀
藏山之名播於士大夫哉

劉之遴與劉孝標書附

間聞足下作類苑括綜百家馳騁千載彌綸
天地纏絡萬品撮道略之英華搜群言之隱
賸鈔摘既畢殺青已就義以類聚事以群分
述征之妙揚班儔也擅此博物何快如之雖
復子野調聲竒知音於後世文信構覽懸百
金於當時居然無以相尚自非沈鬱澹雅之
思安能閑志經年勤成若此吾嘗聞為之者
勞觀之者逸足下已勞於精力宜令吾見異
書

追答劉涪子書

劉侯既重有斯難值予有天倫之感竟未之致
也尋而此君長逝化為異物緒言餘論蘊而莫
傳或有自其家得而示余者余悲其音微未沫
而其人已亡青簡尚新而宿草將列泫然不知
涕之無從也雖隙駟不留尺波電謝而秋菊春
蘭英華靡絕故存其梗槩更酬其旨若使羣翟
之言無爽宣室之談有徵冀東平之樹望咸陽
而西靡蓋山之泉聞弦歌而赴節但懸劍空壠

有恨如何

而其入曰古青簡尚餘而商草隸既成然不味
 斯衣亦自其家新爾亦余者余悲其音端未未
 出悉而此吾身遊外為異時游言余歸盡而莫
 澄美期重有淇驥前于存天倫之思竟未及度
 書出答陸氏書

答郭峙書

聞君子舊矣但人非豕鹿轉加遲滯波駁兩滯
 動間山川故無由交羽觴薦雜佩睨浮雲以搔
 首臨清風而浩歌變燧迴星亦云勞止

稱族子訐歆書

劉訐字彥度兄歆字士光並履高操共
卜築鍾山宋熙寺東澗有終焉之志族

祖孝標與
書稱之

訐超超越俗如半天朱霞歆矯矯出塵如雲中
白鶴皆儉歲之梁稷寒年之織纊

序

相經序

夫命之與相猶聲之與響聲動乎幾響窮乎應
雖壽夭參差賢愚不一其間大較可得聞矣若
乃生而神睿弱而能言八彩光眉四瞳麗目斯
實天姿之特達聖人之符表洎乎日角月偃之
竒龍棲虎踞之美地靜鎮於城纏天關運於掌
策金槌玉枕磊落相望伏犀起蓋隱麟交映井
宅既兼食匱已實抑亦帝王卿相之明効也及

其深目長頸頽頽感羈馳行鷲立狻喙鳥喙筋
不束體血不華色手無春莢之柔髮有寒蓬之
悴或先吉而後凶或少長乎窮乏不其悲歟至
如姬公凝負圖之容孔父眇栖遑之迹豐本知
其有後黃中明其可貴其間或躍馬膳珍或飛
而食肉或阜隸晚侯初形未正銅巖無以飽生
玉饌終乎餓死因斯以觀何事非命

自序

峻字孝標平原人也生於秣陵縣朞月歸故鄉
八歲遇桑梓顛覆身充僕圉齊永明四年二月
逃還京師後爲崔豫州刑獄叅軍梁天監中詔
峻東掌石渠閣以病乞骸骨隱東陽金華山余
嘗自比馮敬通而有同之者三異之者四何則
敬通雄才冠世志剛金石余雖不及之而節亮
慷慨此一同也敬通值中興明君而終不試用
余逢命世英主亦擯斥當年此二同也敬通有

息妻至於身操井自余有悍室亦令家道轍軻
此三同也敬通當更始之世手握兵符躍馬食
肉余自少迄長戚戚無歡此一異也敬通有子
仲文官成名立余禍同伯道永無血胤此二異
也敬通簪力剛強老而益壯余有犬馬之疾溘
死無時此三異也敬通雖芝殘蕙焚終填溝壑
而爲名賢所慕其風流郁烈芬芳久而彌盛余
聲塵寂寞世不吾知魂魄一去將同秋草此四
異也所以力自爲序遺之好事云

志

東陽金華山栖志

夫鳥居山上層巢木末魚潛淵下窟穴泥沙豈
好異哉蓋性自然也故有忽白璧而樂垂綸負
玉鼎而要卿相行藏紛糾顯晦踏駁無異火炎
水流圓動方息斯則廟堂之與江海蓬戶之與
金閨並然其所然悅其所悅鳥足毛羽瘡痍在
其間哉予生自原野善畏難狎心駭雲臺朱屋
望絕高蓋青組且霑濡霧露彌願閒逸每思濯

清瀨息椒丘寤寐永懷其來尚矣蚓專噬壤民
欲天從爰洎二毛得居巖穴所居東陽郡金華
山東陽實會稽西部是生竹箭山川秀麗臯澤
塊鬱若其群峰疊起則接漢連霞喬林布濩則
春青冬綠迴溪映流則十仞洞底膚寸雲合必
千里雨散信卓犖爽塏神居奧宅是以帝鴻遊
斯鑄鼎雨師寄此乘煙故澗勒赤松之名山貽
縉雲之號近代江治中奮迅泥滓王徵士高拔
風塵龍盤鳳栖咸萃茲地良由碧湍素石可致

幽人者哉金華山古馬鞍山也蘊靈藏聖列名
仙謀左元放稱此山云可免洪水五兵可合神
丹九轉金華之晉有紫巖山山色紅紫因此爲
稱靡迤坡陀下屬深渚噴岈隱嶙上虧日月登
自山麓漸高漸峻壟路迫隘魚貫而升路側有
絕澗闌闌庠豁俯窺木杪焦原石邑匪獨危懸
至山將半便有廣澤大川臯陸隱賑予之葺宇
實在斯焉所居三面皆迴山周繞有象郭郭前
則平野蕭條目極通望東西帶二澗四時飛流

泉清瀾微霏滴瀝生響白波跳沫洶涌成音並
漕瀆通引交渠綺錯懸溜瀉於軒薨激湍迴於
階砌俱帳無綆汲盥漱息瓶盆楓櫨椅櫪之樹
梓栢桂樟之木分形異色千族萬種結朱實包
綠裹杙白蒂抽紫莖楠蠹萃尊捎清風鳴籟垂
條欄戶布葉房櫳中谷澗濱華藻攢列至於青
春緩謝萍生泉動則有都梁含馥懷香送芬長
樂負霜宜男泫露芙蓉蕖紅華照水臯蘇縹葉從
風憑軒永眺蠲憂亡疾丘阿陵曲衆藥灌叢地
巖抗莖山筋抽節金鹽重於素璧玉鼓貴於明
珠可以養性消痾還年駐色不藉崔文黃散勿
用負局紫丸翺翺群鳳風胎雨殼綠翼紅毛素
纓翠鬣肅肅毛羽關關好音皆馴狎園池旅食
鷄鶩若乃鳩日伺辰響類鍾鼓鳴絃候曙聲像
琴瑟玄猿薄霧清嘒飛梧乘煙咏吟嘈囀嘹亮
悅心娛耳諒所以跨躡管籥鞞鞞笙簧宅東起
招提寺背巖面壑層軒引景邃宇臨崖博敞開
虛納祥生白左瞻右睇仁智所居故碩德名僧

振錫雲萃調心七覺詆訶五塵郁列戒香浴滋
定水至於熏鑪夜藝法鼓旦聞予則跼蹙捩衣
躬行頂禮詢道哲人欽和至教每聞此河紛梗
彼岸永寂熙熙然若登春臺而出宇宙唯善是
樂豈伊徒言寺東南有道觀亭亭崖側下望雲
雨蕙樓菌榭隱映林篁飛觀列軒玲瓏煙霧日
止却粒之氓歲集神仙之客餌星髓吸流霞將
乃雲衣霓裳乘龍馭鶴觀下有石井聳峙中澗
雕琢刻削頗類人工躡流濛瀉洑湧決咽電擊

雷吼駭目驚魂寺觀之前皆植修竹檀栾蕭蕭
被陵緣阜竹外則有良田區畛通接山泉膏液
鬱潤肥腴鄭白決漳莫之能擬致紅粟流溢鳧
鴈充厭春鱉旨膳碧雞冬葷味珍霜鷄穀巾取
於丘嶺短褐出自中園蕘蔣逼側於池湖菅蒯
駢填於原隰養給之資生生所用無不阜實蕃
籬充牣產疇歲始年季農隙時閒濁醪初舂醪
清新熟則田家野老提壺興至班荆林下陳罇
置酌酒酣耳熱屢舞誼呶盛論箱庾高談穀稼

嗚喙謳歌舉盃相抗人生樂耳此歡豈訾若夫
蠶而衣耕而食日出而作日入而息晚食當肉
無事爲貴不求於世不忤於物莫辨榮辱匪知
毀譽浩蕩天地之間心無怵惕之警豈與嵇生
齒劍楊子墜閣較其優劣者哉

劉子書集卷之二

梁平原劉峻孝標著

明閩漳張燮紹和纂

論

辯命論

有序

主上嘗與諸名賢言及管輅歎其有俊才而位
不達時有在赤墀之下預聞斯議歸以告余余
謂士之窮通無非命也故謹述天旨因言其致
云爾

臣觀管輅天才英偉珪璋特秀實海內之名傑
豈日者卜祝之流乎而官止少府丞年終四十
八天之報施何其寡歟然則高才而無貴仕饗
餐而居大位自古所歎焉獨公明而已哉故性
命之道窮通之數天闕紛綸莫知其辯仲任蔽
其源子長闡其惑至於鶡冠甕牖必以懸天有
期鼎貴高門則曰唯人所召饒饒謹咋異端斯
起蕭遠論其本而不暢其流子玄語其流而未
詳其本嘗試言之曰夫道生萬物則謂之道生
而無主謂之自然自然者物見其然不知所以
然同焉皆得不知所以得鼓動陶鑄而不爲功
庶類混成而非其力生之無亭毒之心死之豈
虔劉之志墜之淵泉非其怒昇之霄漢非其悅
蕩乎大乎萬寶以之化確乎純乎一化而不易
化而不易則謂之命命也者自天之命也定於
冥兆終然不變鬼神莫能預聖哲不能謀觸出
之力無以抗倒日之誠弗能感短則不可緩之
於寸陰長則不可急之於箭漏至德未能踰上

智所不免是以當放勳之世浩浩襄陵天之
時焦金流石文公寔其尾宣尼絕其糧顏回敗
其叢蘭冉耕歌其芣苢夷叔斃淑媛之言子輿
困臧倉之訴聖賢且猶若此而况庸庸者乎至
乃伍員浮屍於江流三閭沉骸於湘渚賈大夫
沮志於長沙馮都尉皓髮於郎署君山鴻漸鍛
羽儀於高雲敬通鳳起推迅一翻於風穴此豈才
不足而行有遺哉近世有沛國劉瓛瓛弟璡並
一時秀士也瓛則關西孔子通涉六經循循善
誘朕膺儒行璡則志烈秋霜心貞崑玉亭亭高
竦不雜風塵皆毓德於衡門並馳聲於天地而
官有徵於侍郎位不登於執戟相次殂落宗祀
無饗因斯兩賢以言古則昔之玉質金相英髦
秀達皆擯斥於當年韞竒才而莫用候草木以
共彫與麋鹿而同死膏塗平原骨填川谷堙滅
而無聞者豈可勝道哉此則宰衡之與阜隸容
彭之與殤子猗頓之與黔婁陽文之與敦洽咸
得之於自然不假道於才智故曰死生有命富

貴在天其斯之謂矣然命體周流變化非一或先號後笑或始吉終凶或不召自來或因人以濟交錯糾紛迴環倚伏非可以一理徵非可以一途驗而其道密微寂寥忽恍無形可以見無聲可以聞必御物以效靈亦憑人而成象譬天王之冕旒任百官以司職而或者覩湯武之龍躍謂戡亂在神功聞孔墨之挺生謂英睿擅竒譽視韓彭之豹變謂鷙猛致人爵見張栢之朱紱謂明經拾青紫豈知有力者運之而趨乎故

言而非命有六蔽焉余請陳其梗槩夫靡瀆然理哆囁臆類形之異也朝秀晨終龜鶴千歲年之殊也聞言如響智昏菽麥神之辯也固知三者定乎造化榮辱之境獨曰由人是知二五而未識於十其蔽一也龍犀日角帝王之表河目龜文公侯之相撫鏡知其將刑壓紐顯其膺錄星虹樞電昭聖德之符夜哭聚雲鬱興王之瑞皆兆發於前期渙汗於後葉若謂驅貔虎奮尺劍入紫薇升帝道則未達宵冥之情未測神明

之數其蔽二也空桑之里變成洪川歷陽之都
化爲魚鼈楚師屠漢卒睢河鯁其流秦人坑趙
士沸聲若雷震火炎崑岳礫石與琬琰俱焚嚴
霜夜零蕭艾與芝蘭共盡雖游夏之英才伊顏
之殆庶焉能抗之哉其蔽三也或曰明月之珠
不能無類夏后之璜不能無考故亭伯死於縣
長相如卒於園令才非不傑主非不明也而碎
結綠之鴻輝殘懸黎之夜色抑尺之量有短哉
若然者主父偃公孫弘對策不升第歷說而不
入教豕淄原見棄州部設令忽如過隙這死霜
露其爲詬恥豈崔馬之流乎及至開東閣列五
鼎電照風行聲馳海外寧前愚而後智先非而
終是將榮悴有定數天命有至極而謬生妍蚩
其蔽四也夫虎嘯風馳龍興雲屬故重華立而
元凱升辛受生而飛廉進然則天下善人少惡
人多闇主衆明君寡而薰蕕不同噐梟鸞不接
翼是使渾敦槁杌踵武於雲臺之上仲容廷堅
耕耘於巖石之下橫謂廢興在我無繫於天其

蔽五也彼戎狄者人面獸心宴安鴆毒以誅殺
爲道德以蒸報爲仁義雖大風立於青丘鑿齒
奮於華野比其狼戾曾何足喻自金行不競天
地版蕩左帶沸脣乘間電發遂覆瀍洛傾五都
居先王之桑梓竊名號於中縣與三皇競其萌
黎五帝角其區宇種落繁熾充牣神州嗚呼福
善禍淫徒虛言耳豈非否泰相傾盈縮遞運而
汨之以人其蔽六也然所謂命者死生焉貴賤
焉貧富焉治亂焉禍福焉此十者天之所賦也

愚智善惡此四者人之所行也夫神非舜禹心
異朱均才絳中庸在於所習是以素絲無恒玄
黃代起鮑魚芳蘭入而自變故季路學於仲尼
厲風霜之節楚穆謀於潘崇成殺逆之禍而商
臣之惡盛業光於後嗣仲由之善不能息其結
纓斯則邪正由於人吉凶在乎命也或以鬼神
害盈皇天輔德故宋公一言法星三徙殷帝自
翦千里來雲若使善惡無徵未洽斯義且于公
高門以待封嚴毋掃墓以望喪此君子所以自

彊不息也如使仁而無報奚爲修善立名乎斯
徑廷之辭也夫聖人之言顯而晦微而婉幽遠
而難聞河漢而不測或立教以進庸怠或言命
以窮性靈積善餘慶立教也鳳鳥不至言命也
今以其片言辨其要趣何異乎夕死之類而論
春秋之變哉且荆昭德音丹雲不卷周宣祈雨
堯璧斯罄于叟種德不逮勛華之高延年殘獷
未甚東陵之酷爲善一爲惡均而禍福異其流
慶輿殊其迹蕩蕩上帝豈如是乎詩云風雨如
晦鷄鳴不已故善人爲善焉有息哉夫食稻梁
進芻豢衣狐貉襲冰紈觀窈眇之奇儻聽雲和
之琴瑟此生人之所急非有求而爲也修道德
習仁義敦孝悌立忠貞漸禮樂之腴潤蹈先生
之盛則此君子之所急非有求而爲也然則君
子居正體道樂天知命明其無可奈何識其不
由智力逝而不召來而不距生而不喜死而不
感瑤臺夏屋不能悅其神土室編蓬未足憂其
慮不充詘於富貴不遑遑於所欲豈有史公董

相不遇之文乎

子母五豔首樂天賦命其無下奈可猶其不
之盜限出昔千之祖意持育來而為世然限昔
賢二美媒幸制立忠貞補斷樂之樂斷斷决出
之琴悲世主人之祖意持育來而為世然限昔
豈得琴沐和徐藥水此購夜卿之音物飄雲味
御樂舞不日如善入器善深自息結夫金琴樂

廣絕交論

客問主人曰朱公叔絕交論為是乎為非乎主
人曰客奚此之問客曰夫草蟲鳴則阜螽躍雕
虎嘯而清風起故網緼相感霧涌雲蒸嚶鳴相
召星流電激是以王陽登則貢公喜罕生逝而
國子悲且心同琴瑟言鬱郁於蘭茝道協膠漆
志婉孌於埴箎聖賢以此鏤金版而鑄盤于孟書
玉牒而刻鍾鼎若乃匠人輟成風之剏巧伯子
息流波之雅引范張款款於下泉尹班陶陶於

未夕絡繹縱橫烟霏雨散巧歷所不知心計莫
能測而朱益州汨彞敘越謨訓捶直切絕交遊
比黔首以鷹鷂媿人靈於豺虎蒙有猜焉請辨
其惑主人听然而笑曰客所謂撫絃徽音未達
燥濕變響張羅沮澤不覩鴻鴈雲飛蓋聖人握
金鏡闡風烈龍驤夔屈從道汗隆日月聯璧贊
壺壺之弘致雲飛電薄顯棣華之微旨若五音
之變化濟九成之妙曲此朱生得玄珠於赤水
謨神睿而爲言至夫組織仁義琢磨道德歡其
愉樂恤其陵夷寄通靈臺之下遺跡江湖之上
風雨急而不輟其音霜雪零而不渝其色斯賢
達之素交歷萬古而一遇逮叔世民訛狙詐颺
起谿谷不能踰其險鬼神無以究其變競毛羽
之輕趨錐刀之末於是素交盡利交興天下蚩
蚩鳥驚雷駭然利交同源派流則異較言其略
有五術焉若其寵鈞董石權壓梁竇雕刻百工
鑪錘萬物吐漱興雲雨呼喩下霜露九域聳其
風塵四海疊其燠灼靡不望影星奔藉響川鶩

雞人始唱鶴蓋成陰高門且開流水接軫皆願
摩頂至踵隳膽抽腸約同要離焚妻子誓徇荆
卿湛七族是日勢交其流一也富埒陶白貲巨
程羅山擅銅陵家藏金穴出平原而聯騎居里
閉而鳴鐘則有窮巷之賓繩樞之子冀宵燭之
末光邀潤屋之微澤魚貫鳧蹕馳沓鱗萃分鴈
鶩之稻梁霑玉笋之餘瀝銜恩遇進款誠援青
松以示心指白水而旌信是日賄交其流二也
陸大夫讌喜西都郭有道人倫東國公卿貴其
籍甚摺紳羨其登僊加以歛頤臧頰滄唾流沫
騁黃馬之劇談縱碧雞之雄辯敘溫燠則寒谷
成暄論嚴苦則春叢零葉飛沈出其顧指榮辱
定其一言於是有弱冠王孫綺紈公子道不挂
於通人聲未道於雲閣攀其鱗翼丐其餘論附
駸驥之旄端軼歸鴻於碣石是日談交其流三
也陽舒陰慘生民大情憂合歡離品物恒性故
魚以泉涸而煦沫鳥因將死而哀鳴同病相憐
綴河上之悲曲恐懼寘懷昭谷風之盛典斯則

斷金由於湫隘刎頸起於苦葢是以伍員濯漑於宰嚭張王撫翼於陳相是曰窮交其流四也馳驚之倫澆薄之俗無不操權衡秉織纊衡所以揣其輕重續所以屬其鼻息若衡不能舉續不能飛雖顏冉龍翰鳳雛曾史蘭薰雪白舒向金玉淵海卿雲黻黻河漢視若游塵遇同土梗莫肯費其半菽罕有落其一毛若衡重錙銖續微影撇雖共工之蒐慝驩兜之掩義南荆之竅扈東陵之巨猾皆爲匍匐逶迤折枝砥痔金膏翠羽將其意脂膏便辟導其誠故輪蓋所遊必非夷惠之室苞苴所入實行張霍之家謀而後動毫芒寡忒是曰量交其流五也凡斯五交義同賈鬻桓譚譬之於鬪閭林回諭之於甘醴夫寒暑遞進盛衰相襲或前榮而後悴或始富而終窮或初存而末亡或古約而今泰循環翻覆迅若波瀾此則徇利之情未嘗異變化之道不得一由是觀之張陳所以凶終蕭朱所以隙末斷焉可知也而翟公方規規然勒門以箴客何

所見之晚乎因此五交是生三釁敗德殄義禽
獸相若一釁也難固易携讐訟所聚二釁也名
陷饕餮貞介所羞三釁也古人知三釁之爲梗
懼五交之速尤故王丹威子以櫓楚朱穆昌言
而示絕有旨哉近世有樂安任昉海內髦傑早
綰銀黃夙昭民譽適文麗藻方駕曹王英特俊
邁聯橫許郭類田文之愛客同鄭莊之好賢見
一善則盱衡扼腕遇一才則揚眉抵掌雌黃出
其脣吻朱紫由其月旦於是冠蓋輻輳衣裳雲
合輜輶擊鞞坐客恒滿蹈其闔闔若升闕里之
堂入其奧隅謂登龍門之阪至於顧盼增其倍
價翦拂使其長鳴影組雲臺者摩肩趨走丹墀
者疊跡莫不締恩狎結綢繆想莊惠之清塵庶
羊左之徽烈及瞑日東粵歸骸洛浦總帳猶懸
門罕漬酒之彥墳未宿草野絕慟輪之賓藐爾
諸孤朝不謀夕流離大海之南寄命瘴癘之地
自昔把臂之英金蘭之友曾無羊舌下泣之仁
寧慕邠成分宅之德嗚呼世路嶮巇一至於此

太行孟門豈曰嶄絕是以耿介之士疾其若斯
裂裳裹足棄之長驚獨立高山之頂歡與麋鹿
同群皜皜然絕其雰濁誠恥之也誠畏之也

附錄

劉峻傳

陳姚察

劉峻字孝標平原人父珽宋始興內史峻生朞
月母攜還鄉里宋泰始初青州陷魏峻年八歲
爲人所略至中山中山富人劉實愍峻以束帛
贖之教以書學魏人聞其江南有戚屬更徙之
乘乾峻好學家貧寄人廡下自課讀書常燎麻
炬從夕達旦時或昏睡焚其髮旣覺復讀終夜
不寐其精力如此齊永明中從桑乾得還自謂

所見不博更求異書聞京師有者必往祈借清河雀慰祖謂之書淫時竟陵王子良博招學士峻因人求爲子良國職吏部尚書徐孝嗣抑而不許用爲南海王侍郎不就至明帝時蕭遙欣爲豫州爲府刑獄禮遇甚厚遙欣尋卒久之不調天監初召入西省與學士賀縱典校秘書峻兄孝慶時爲青州刺史峻請假省之坐私載禁物爲有司所奏免官安成王秀好峻學及遷荊州引爲戶曹參軍給其書籍使抄錄事類名曰類苑未及成復以疾去因遊東陽紫巖山築室居焉爲山栖志其文甚美高祖招文學之士有高才多被引進擢以不次峻率性而動不能隨衆浮沉高祖頗嫌之故不任用峻乃著辨命論以寄懷論成中山劉沼致書以難之凡再反峻並爲申析以答之會沼卒不見峻後報者峻乃爲書以序之其論文多不載峻又嘗爲自序比馮敬通居東陽吳會人士多從其學普通二年卒時年六十門人謚曰玄靖先生

覺復讀其精力如此時魏孝文選盡物望江南
人士才學之徒咸見申擢峻兄弟不蒙選授齊
永明中俱奔江南更改名峻字孝標自以少時
未開悟晚更厲精明慧過人苦所見不博聞有
異書必往祈借清河崔慰祖謂之書淫於是博
極群書文藻秀出故其自序云黌中濟濟皆升
堂亦有愚者解衣裳言其少年魯鈍也時竟陵
王子良招學士峻因人求爲子良國職吏部尚
書徐孝嗣抑而不許用爲南海王侍郎不就至
齊明帝時蕭遙欣爲豫州引爲府刑獄禮遇甚
厚遙欣尋卒久不調梁天監初召入西省與學
士賀縱典校祕閣峻兄孝慶時爲青州刺史峻
請假省之坐私載禁物爲有司所奏免官安成
王秀雅重峻及安成王遷荊州引爲戶曹參軍
給其書籍使撰類苑未及成復以疾去因遊東
陽紫巖山築室居焉爲山栖志其文甚美初梁
武帝招文學之士有高才者多被引進擢以不
次峻率性而動不能隨衆沈浮武帝每集文士

策經史事時范雲沈約之徒皆引短推長帝乃
悅加其賞賚曾策錦被事咸言已罄帝試呼問
峻峻時貧悴冗散忽請紙筆疏十餘事坐客皆
驚帝不覺失色自是惡之不復引見及峻類苑
成凡一百二十卷帝卽命諸學士撰華林徧略
以高之竟不見用乃著辨命論以寄其懷論成
中山劉沼致書以難之凡再及峻並爲申析以
答之會沼卒不見峻後報者峻乃爲書以序其
事其文論並多不載嘗爲自序比馮敬通遺之
好事云峻本將門兄法鳳自北歸改名孝慶字
仲昌早有幹略齊末爲兗州刺史舉兵應梁武
封餘干男歷官顯重峻獨篤志好學居東陽吳
會人士多從其學普通二年卒年六十門人謚
曰玄靖先生

曰之辭去生一卷帝即命諸學士撰之代略
 會人士多珍其學普選二十半卒年六十門人益
 挂籍于其室宮顯重如斷無志以學其東謝吳
 外昌早宜符細齊末為交州陳使學其其謝梁左
 校事云劉本涉門只去鳳官出魏如各等

讀史考誤

明張燮

魏書凡南人歸北者備極推許若到底還南者
 輒橫加詆訶如劉孝標早孤初名法武與母兄
 俱陷魏雖貧不能自立然精勤嗜學燎炬達旦
 至永明中得還儻以其未經位宦史氏置之不
 載足矣乃魏書附列於劉休賓後妄謂其兄弟
 疎薄不倫為時所棄又謂高祖選盡物望才學
 之徒咸見申擢而法鳳兄弟無可收用不蒙選
 受夫其不蒙選受也自是魏不知人乃謂劉了

無可取乎然則孝標後爲一代名流法鳳改名
孝慶有幹畧爲齊兗州刺史入梁封餘干男豈
真踈薄不倫無可收用乎如佛助者可謂大言
不慚矣

紫巖

明杜栢

紫巖千仞翠屏張日落巖西晚興長尚憶孝標
弦誦處至今草木有餘光

劉參軍孝標

明胡應麟

嗟峨婺女郡星斗垂寒芒寥寥曠千載氣運開
齊梁劉生實天啓乳哺隨高堂翻然自北來燁
若孤鳳凰讀書紫薇岫一目逾十行山棲表遠
志絕交厯中腸千言走珠貝七錄披琳瑯含毫
策錦被倏忽驚巖廊遂命世主忌坎壈終詞場

龍蛇諒斯在鴻鵠詎可量矯矯七尺軀恥爲萬
乘降胡然際悍室妖牝啼朝陽潛身嘆狐犢跋
尾追亡羊太息敬通論今古爲務徨

遺事

劉峻見任昉諸子西華兄弟流離不能自振生
平舊交莫有收恤西華冬月著葛帳練裙路逢
峻峻泫然矜之乃廣朱公叔絕交論到漑見其
論抵几於地終身恨之

李善文選註

齊末兵火延及祕閣有梁之初缺亡甚衆爰命
祕書監任昉躬加部集又於文德殿內別藏衆

書使學士劉孝標等重加校進

阮孝緒七錄序

孝標隱金華紫薇巖講授生徒今靈巖古剎

其故宅 金華志

篇其八於此終良別之 李善文

劉子玄然命之曰曹采公以終交備其

平書交莫有外西華冬月善言劉

隱勉具丑胡諸子西華只宋流不

貴軍

集評

孝標植根淄右流寓魏庭昂屢艱危僅至江左

負材矜地自謂坐致雲霄豈圖逡巡十稔而榮

慙一命因茲著論故辭多憤激雖義越典謨而

是杜浮競矣 劉璠梁典

五交三釁劉峻知言哉 文中子

送橘啓足爲南橘解嘲 王元美

...

...

...

...

...

...

...



程